



一 周易本意 --



顺序	卦 名			卦 象		卦 辞
	小篆	繁体	读音	符号	结构	爻辞
01		乾	qián		乾上 乾下	乾，元亨，利贞。
						初九：潜龙，勿用。
						九二：见龙在田，利见大人。
						九三：君子终日乾乾，夕惕若，厉无咎。
						九四：或跃在渊，无咎。
						九五：飞龙在天，利见大人。
						上九：亢龙，有悔。
						用九：见群龙无首。吉。
02		坤	kūn		坤上 坤下	坤，元亨，利牝马之贞。君子有攸往，先迷，后得，主利。 西南得朋，东北丧朋。安贞吉。
						初六：履霜，坚冰至。
						六二：直方。大，不习。无不利。
						六三：含章。可贞。或从王事，无成，有终。
						六四：括囊。无咎无誉。
						六五：黄裳。元吉。
						上六：龙战于野，其血玄黄。
						用六：利永贞。



一 周易本意 --



顺序	卦 名			卦 象		卦 辞
	小篆	繁体	读音	符号	结构	爻辞
03		屯	zhūn		坎上 震下	屯，元亨，利贞。勿用有攸往。利建侯。
						初九：磐桓。利居贞。利建侯。
						六二：屯如遭如，乘马班如。匪寇，婚媾。女子贞不字，十年乃字。
						六三：即鹿无虞，惟入于林中，君子几不如舍。往吝。
						六四：乘马班如，求婚媾。往吉，无不利。
						九五：屯其膏。小贞吉，大贞凶。
						上六：乘马班如，泣血涟如。
04		蒙	méng		艮上 坎下	蒙，匪我求童蒙，童蒙求我。初筮告，再三渎，渎则不告。利贞。
						初六：发蒙。利用刑人，用说桎梏。以往吝。
						九二：包蒙。吉。纳妇吉，子克家。
						六三：勿用取女，见金，夫不有躬。无攸利。
						六四：困蒙。吝。
						六五：童蒙。吉。
						上九：击蒙。不利为寇，利御寇。



一 周易本意 --







顺序	卦 名			卦 象		卦 辞
	小篆	繁体	读音	符号	结构	爻辞
05		需	xū		坎上 乾下	需，有孚。光亨，贞吉。利涉大川。
						初九：需于郊。利用恒，无咎。
						九二：需于沙。小有言，终吉。
						九三：需于泥，致寇至。
						六四：需于血，出自穴。
						九五：需于酒食。贞吉。
						上六：入于穴。有不速之客三人来。敬之，终吉。
06		訟	sòng		乾上 坎下	讼，有孚。窒惕，中吉，终凶。利见大人。不利涉大川。
						初六：不永所事。小有言，终吉。
						九二：不克讼，归而逋，其邑人，三百户。无眚。
						六三：食旧德。贞厉，终吉。或从王事，无成。
						九四：不克讼，复即命。渝。安贞吉。
						九五：讼元吉。
						上九：或锡鞶带，终朝三褫之。



一 周易本意 --



顺序	卦 名			卦 象		卦 辞
	小篆	繁体	读音	符号	结构	爻辞
07		師	shī		坤上 坎下	师，贞丈人吉，无咎。
						初六：师出以律。否臧，凶。
						九二：在师中。吉，无咎。王三锡命。
						六三：师或舆尸。凶。
						六四：师左次。无咎。
						六五：田有禽。利执言，无咎。长子帅师，弟子舆尸。贞凶。
						上六：大君有命，开国承家。小人勿用。
08		比	bì		坎上 坤下	比，吉。原筮，元，永贞，无咎。不宁方来，后夫凶。
						初六：有孚。比之，无咎。有孚盈缶，终来有它。吉。
						六二：比之自内。贞吉。
						六三：比之匪人。
						六四：外比之。贞吉。
						九五：显比。王用三驱，失前禽，邑人不诫。吉。
						上六：比之无首。凶。



一 周易本意 --



顺序	卦 名			卦 象		卦 辞
	小篆	繁体	读音	符号	结构	爻辞
09		小畜	xiao xù		巽上 乾下	小畜，亨。密云不雨，自我西郊。
						初九：复自道，何其咎。吉。
						九二：牵复。吉。
						九三：舆说辐，夫妻反目。
						六四：有孚。血去，惕出。无咎。
						九五：有孚挛如。富以其邻。
						上九：既雨，既处。尚德载。妇贞厉。月几望，君子征凶。
10		履	lǚ		乾上 兑下	履虎尾，不咥人。亨。
						初九：素履。往无咎。
						九二：履道坦坦。幽人贞吉。
						六三：眇能视，跛能履。履虎尾，咥人。凶。武人为于大君。
						九四：履虎尾，愬愬。终吉。
						九五：夬履。贞厉。
						上九：视履，考祥，其旋。元吉。



一 周易本意 --



顺序	卦 名			卦 象		卦 辞
	小篆	繁体	读音	符号	结构	爻辞
11		泰	tài		坤上 乾下	泰，小往大来，吉，亨。
						初九：拔茅茹，以其彙。征吉。
						九二：包荒，用冯河，不遐遗。朋亡，得尚于中行。
						九三：无平不陂，无往不复。艰贞无咎。勿恤其孚，于食有福。
						六四：翩翩。不富以其邻。不戒以孚。
						六五：帝乙归妹，以祉。元吉。
						上六：城复于隍。勿用师。自邑告命。贞吝。
12		否	pǐ		乾上 坤下	否之匪人。不利君子贞，大往小来。
						初六：拔茅茹，以其彙。贞吉。亨。
						六二：包承。小人吉，大人否，亨。
						六三：包羞。
						九四：有命。无咎。畴离祉。
						九五：休否。大人吉。其亡其亡，系于苞桑。
						上九：倾否。先否后喜。



一 周易本意 --



顺序	卦 名			卦 象		卦 辞
	小篆	繁体	读音	符号	结构	爻辞
13		同人	tóng rén			同人于野。亨。利涉大川。利君子贞。
						初九：同人于门。无咎。
						六二：同人于宗。吝。
						九三：伏戎于莽，升其高陵，三岁不兴。
						九四：乘其墉，弗克攻。吉。
						九五：同人先号咷，而后笑，大师克相遇。
						上九：同人于郊。无悔。
14		大有	dà yǒu		乾上 离下	大有，元亨。
						初九：无交害。匪咎，艰则无咎。
						九二：大车以载。有攸往，无咎。
						九三：公用亨于天子，小人弗克。
						九四：匪其彭。无咎。
						六五：厥孚交如威如，吉。
						上九：自天祐之。吉，无不利。



一 周易本意 --



顺序	卦 名			卦 象		卦 辞
	小篆	繁体	读音	符号	结构	爻辞
15		歉	qiān		坤上 艮下	谦，亨。君子有终。
						初六：谦谦，君子用涉大川，吉。
						六二：鸣谦。贞吉。
						九三：劳谦。君子有终。吉。
						六四：无不利。撝谦。
						六五：不富以其邻。利用侵伐。无不利。
						上六：鸣谦。利用行师征邑国。
16		豫	yù		震上 坤下	豫，利建侯行师。
						初六：鸣豫。凶。
						六二：介于石，不终日。贞吉。
						六三：盱豫。悔，迟有悔。
						九四：由豫。大有得，勿疑朋盍簪。
						六五：贞疾，恒不死。
						上六：冥豫。成有渝。无咎。



一 周易本意 --







顺序	卦 名			卦 象		卦 辞
	小篆	繁体	读音	符号	结构	爻辞
17		隨	suí		兑上 震下	遂，元亨，利贞。无咎。
						初九：官有渝。贞吉。出门交有功。
						六二：系小子，失丈夫。
						六三：系丈夫，失小子。随有求，得。利居贞。
						九四：随有获。贞凶。有孚，在道，以明。何咎。
						九五：孚于嘉。吉。
						上六：拘系之，乃从维之。王用亨于西山。
18		蠱	gǔ		艮上 巽下	蛊，元亨。利涉大川，先甲三日，后甲三日。
						初六：干父之蛊。有子，考无咎。厉终吉。
						九二：干母之蛊。不可贞。
						九三：干父之蛊。小有悔，无大咎。
						六四：裕父之蛊。往见吝。
						六五：干父之蛊，用誉。
						上九：不事王侯，高尚其事。



— 周易本意 —







顺序	卦 名			卦 象		卦 辞
	小篆	繁体	读音	符号	结构	爻辞
19		臨	lín		坤上 兑下	臨，元亨，利貞。至于八月有凶。
						初九：咸臨。貞吉。
						九二：咸臨。吉，无不利。
						六三：甘臨。无攸利。既忧之，无咎。
						六四：至臨。无咎。
						六五：知臨。大君之宜，吉。
						上六：敦臨。吉，无咎。
20		觀	guān		巽上 坤下	觀，盥而不荐，有孚顒若。
						初六：童觀。小人无咎，君子吝。
						六二：闚觀。利女贞。
						六三：观我生进退。
						六四：观国之光。利用宾于王。
						九五：观我生。君子无咎。
						上九：观其生。君子无咎。



— 周易本意 —







顺序	卦 名			卦 象		卦 辞
	小篆	繁体	读音	符号	结构	爻辞
21		噬嗑	shì kè		离上 震下	噬嗑，亨。利用狱。
						初九：履校灭趾。无咎。
						六二：噬肤灭鼻。无咎。
						六三：噬腊肉，遇毒。小吝，无咎。
						九四：噬乾肺，得金矢。利艰贞，吉。
						六五：噬乾肉，得黄金。贞厉，无咎。
						上九：何校灭耳。凶。
22		贲	bì		艮上 离下	贲，亨。小利有攸往。
						初九：贲其趾，舍车而徒。
						六二：贲其须。
						九三：贲如，濡如。永贞吉。
						六四：贲如皤如，白马翰如。匪寇，婚媾。
						六五：贲于丘园，束帛戔戔。吝，终吉。
						上九：白贲，无咎。



一 周易本意 --




顺序	卦 名			卦 象		卦 辞
	小篆	繁体	读音	符号	结构	爻辞
23		剥	bō		艮上 坤下	剥，不利有攸往。
						初六：剥床以足。蔑贞，凶。
						六二：剥床以辨。蔑贞，凶。
						六三：剥之，无咎。
						六四：剥床以肤。凶。
						六五：贯鱼，以宫人宠。无不利。
						上九：硕果不食，君子得舆，小人剥庐。
24		復	fù		坤上 震下	复，亨。出入无疾，朋来无咎。反复其道，七日来复。利有攸往。
						初九：不远复。无祇悔。元吉。
						六二：休复。吉。
						六三：频复。厉无咎。
						六四：中行独复。
						六五：敦复。无悔。
						上六：迷复。凶，有灾眚。用行师，终有大败，以其国君凶，至于十年不克征。



一 周易本意 --







顺序	卦 名			卦 象		卦 辞
	小篆	繁体	读音	符号	结构	爻辞
25		無妄	wú wàng		乾上 震下	无妄，元亨，利贞。其匪正有眚。不利有攸往。
						初九：无妄，往吉。
						六二：不耕获，不菑畲。则利用攸往。
						六三：无妄之灾，或系之牛。行人之得，邑人之灾。
						九四：可贞，无咎。
						九五：无妄之疾，勿药有喜。
						上九：无妄，行有眚，无攸利。
26		大畜	dà xù		艮上 乾下	大畜，利贞。不家食吉。利涉大川。
						初九：有厉。利已。
						九二：舆说輹。
						九三：良马逐。利艰贞。曰闲舆卫。利有攸往。
						六四：童牛之牯。元吉。
						六五：豮豕之牙。吉。
						上九：何天之衢。亨。



一 周易本意 --



顺序	卦 名			卦 象		卦 辞
	小篆	繁体	读音	符号	结构	爻辞
27		頤	yí		艮上 震下	頤，贞吉。观頤，自求口实。
						初九：舍尔灵龟，观我朵颐。凶。
						六二：颠颐，拂经于丘。颐征凶。
						六三：拂颐。贞凶，十年勿用，无攸利。
						六四：颠颐。吉。虎视眈眈，其欲逐逐。无咎。
						六五：拂经。居贞吉。不可涉大川。
						上九：由颐。厉，吉。利涉大川。
28		大過	dà guò		兑上 巽下	大过：栋桡。利有攸往。亨。
						初六：藉用白茅。无咎。
						九二：枯杨生稊，老夫得其女妻。无不利。
						九三：栋桡。凶。
						九四：栋隆。吉。有它，吝。
						九五：枯杨生华，老妇得其士夫。无咎无誉。
						上六：过涉灭顶，凶。无咎。



一 周易本意 --







顺序	卦 名			卦 象		卦 辞
	小篆	繁体	读音	符号	结构	爻辞
29		坎	kǎn		坎上下	坎，习坎，有孚，维心，亨。行有尚。
						初六：习坎，入于坎窞。凶。
						九二：坎有险。求小得。
						六三：来之坎，坎险且枕，入于坎窞。勿用。
						六四：樽酒，簋贰，用缶，纳约自牖。终无咎。
						九五：坎不盈，祗既平。无咎。
						上六：系用徽纆，寘于丛棘，三岁不得。凶。
30		離	lí		离上下	离，利贞，亨。畜牝牛吉。
						初九：履错然。敬之，无咎。
						六二：黄离。元吉。
						九三：日昃之离。不鼓缶而歌，则大耋之嗟。凶。
						九四：突如其来如，焚如，死如，弃如。
						六五：出涕沱若，戚嗟若。吉。
						上九：王用出征，有嘉折首，获匪其丑。无咎。



— 周易本意 —











顺序	卦 名			卦 象		卦 辞
	小篆	繁体	读音	符号	结构	爻辞
31		咸	xián		兑上 艮下	咸，亨，利贞。取女吉。
						初六：咸其拇。
						六二：咸其腓。凶。居吉。
						九三：咸其股，执其随。往吝。
						九四：贞吉，悔亡。憧憧往来，朋从尔思。
						九五：咸其脢。无悔。
						上六：咸其辅颊舌。
32		恒	héng		震上 巽下	恒，亨。无咎。利贞。利有攸往。
						初六：浚恒。贞凶，无攸利。
						九二：悔亡。
						九三：不恒其德，或承之羞。贞吝。
						九四：田无禽。
						六五：恒其德。贞妇人吉，夫子凶。
						上六：振恒。凶。



— 周易本意 —







顺序	卦 名			卦 象		卦 辞
	小篆	繁体	读音	符号	结构	爻辞
33		遯	dùn		乾上 艮下	遯，亨，小利贞。
						初六：遯尾。厉，勿用有攸往。
						六二：执之，用黄牛之革，莫之胜说。
						九三：系遯。有疾厉。畜臣妾吉。
						九四：好遯。君子吉，小人否。
						九五：嘉遯。贞吉。
						上九：肥遯。无不利。
34		大壯	dà zhuàng		震上 乾下	大壮，利贞。
						初九：壮于趾。征凶。有孚。
						九二：贞吉。
						九三：小人用壮，君子用罔。贞厉。羝羊触藩，羸其角。
						九四：贞吉，悔亡。藩决不羸，壮于大舆之輹。
						六五：丧羊于易。无悔。
						上六：羝羊触藩，不能退，不能遂。无攸利，艰则吉。

顺序	卦 名			卦 象		卦 辞
	小篆	繁体	读音	符号	结构	爻辞
35		晉	jìn		离上 坤下	晋，康侯用锡马蕃庶，昼日三接。
						初六：晋如，摧如。贞吉。罔孚，裕无咎。
						六二：晋如，愁如。贞吉。受兹介福，于其王母。
						六三：众允。悔亡。
						九四：晋如鼫鼠。贞厉。
						六五：悔亡。失得勿恤。往吉，无不利。
						上九：晋其角。维用伐邑。厉吉，无咎。贞吝。
36		明夷	míng yí		坤上 离下	明夷，利艰贞。
						初九：明夷于飞，垂其翼。君子于行，三日不食。有攸往，主人有言。
						六二：明夷，夷于左股。用拯马壮，吉。
						九三：明夷于南狩，得其大首。不可疾贞。
						六四：入于左腹，获明夷之心，于出门庭。
						六五：箕子之明夷。利贞。
						上六：不明，晦。初登于天，后入于地。



— 周易本意 —







顺序	卦 名			卦 象		卦 辞
	小篆	繁体	读音	符号	结构	爻辞
37		家人	jiā rén		巽上下 离	家人，利女贞。
						初九：闲有家，悔亡。
						六二：无攸遂，在中馈。贞吉。
						九三：家人嗃嗃。悔厉吉。妇子嘻嘻。终吝。
						九四：富家，大吉。
						九五：王假有家，勿恤。吉。
						上九：有孚威如，终吉。
38		睽	kuí		离上下 兑	睽，小事吉。
						初九：悔亡。丧马勿逐，自复。见恶人无咎。
						九二：遇主于巷。无咎。
						六三：见舆曳，其牛掣，其人天且劓。无初有终。
						九四：睽孤，遇元夫。交孚，厉无咎。
						六五：悔亡。厥宗噬肤。往何咎。
						上九：睽孤，见豕负涂，载鬼一车。先张之弧，后说之弧。匪寇，婚媾。往遇雨则吉。



一 周 易 本 意 --



顺序	卦 名			卦 象		卦 辞
	小篆	繁体	读音	符号	结构	爻辞
39		蹇	jiǎn		坎上 艮下	蹇，利西南，不利东北。利见大人。贞吉。
						初六：往蹇来誉。
						六二：王臣蹇蹇，匪躬之故。
						九三：往蹇来反。
						六四：往蹇来连。
						九五：大蹇朋来。
						上六：往蹇来硕。吉，利见大人。
40		解	xiè		震上 坎下	解，利西南。无所往，其来复，吉。有攸往，夙吉。
						初六：无咎。
						九二：田获三狐，得黄矢。贞吉。
						六三：负且乘，致寇至。贞吝。
						九四：解而拇，朋至斯。孚。
						六五：君子维有解。吉。有孚于小人。
						上六：公用射隼于高墉之上，获之。无不利。



— 周易本意 —







顺序	卦 名			卦 象		卦 辞
	小篆	繁体	读音	符号	结构	爻辞
41		損	sǔn		艮上下 兑	损，有孚。元吉。无咎。可贞。利有攸往。曷之，用二簋。可用享。
						初九：已事遄往。无咎。酌损之。
						九二：利贞。征凶。弗损，益之。
						六三：三人行则损一人，一人行则得其友。
						六四：损其疾，使遄有喜。无咎。
						六五：或益之十朋之龟，弗克违。元吉。
						上九：弗损，益之。无咎，贞吉。利有攸往。得臣无家。
42		益	yì		巽上下 震	益，利有攸往，利涉大川。
						初九：利用为大作。元吉，无咎。
						六二：或益之十朋之龟，弗克违。永贞吉。王用享于帝。吉。
						六三：益之。用凶事，无咎。有孚。中行告公用圭。
						六四：中行告公从。利用为依迁国。
						九五：有孚。惠心，勿问。元吉。有孚。惠我德。
						上九：莫益之，或击之。立心勿恒，凶。



一 周 易 本 意 --




顺序	卦 名			卦 象		卦 辞
	小篆	繁体	读音	符号	结构	爻辞
43		夬	guài		兑上 乾下	夬，扬于王庭，孚号。有厉，告自邑。不利即戎。利有攸往。
						初九：壮于前趾。往不胜为咎。
						九二：惕号。莫夜有戎，勿恤。
						九三：壮于九页。有凶。君子夬夬独行，遇雨若濡。有愠无咎。
						九四：臀无肤，其行次且。牵羊悔亡。闻言不信。
						九五：苋陆，夬夬中行。无咎。
						上六：无号。终有凶。
44		姤	gòu		乾上 巽下	姤，女壮，勿用取女。
						初六：系于金柅。贞吉。有攸往，见凶。羸豕孚蹢躅。
						九二：包有鱼。无咎。不利宾。
						九三：臀无肤，其行次且。厉，无大咎。
						九四：包无鱼。起凶。
						九五：以杞包瓜。含章，有陨自天。
						上九：姤其角。吝，无咎。



一 周 易 本 意 --



顺序	卦 名			卦 象		卦 辞
	小篆	繁体	读音	符号	结构	爻辞
45		萃	cuì		兑上 坤下	萃，亨。王假有庙。利见大人。亨，利贞。用大牲吉。利有攸往。
						初六：有孚不终，乃乱乃萃。若号，一握为笑。勿恤。往无咎。
						六二：引吉。无咎。孚乃利用禴。
						六三：萃如嗟如。无攸利。往无咎。小吝。
						九四：大吉，无咎。
						九五：萃有位。无咎。匪孚。元永贞。悔亡。
						上六：赍咨，涕 夷。无咎。
46		升	shēng		坤上 巽下	升，元亨。用见大人，勿恤。南征吉。
						初六：允升。大吉。
						九二：孚乃利用禴。无咎。
						九三：升虚邑。
						六四：王用亨于岐山。吉，无咎。
						六五：贞吉。升阶。
						上六：冥升。利于不息之贞。



一 周 易 本 意 --





顺序	卦 名			卦 象		卦 辞
	小篆	繁体	读音	符号	结构	爻辞
47		困	kùn		兑上 坎下	困，亨。贞大人吉，无咎。有言不信。
						初六：臀困于株木，入于幽谷，三岁不覿。
						九二：困于酒食，朱紱方来。利用享祀。征凶。无咎。
						六三：困于石，据于蒺藜。入于其宫，不见其妻。凶。
						九四：来徐徐，困于金车。吝有终。
						九五：劓刖，困于赤紱，乃徐有说。利用祭祀。
						上六：困于葛藟，于臲兀危。曰动悔有悔。征吉。
48		井	jǐng		坎上 巽下	井，改邑不改井。无丧无得。往来井，井汔至，亦未繙井，羸其瓶。凶。
						初六：井泥不食，旧井无禽。
						九二：井谷，射鲋，瓮敝漏。
						九三：井渫不食，为我心恻。可用汲。王明，并受其福。
						六四：井甃。无咎。
						九五：井冽，寒泉食。
						上六：井收，勿幕。有孚。元吉。



一 周易本意 --



顺序	卦 名			卦 象		卦 辞
	小篆	繁体	读音	符号	结构	爻辞
49		革	gé		兑上 离下	革，巳日乃孚。元亨，利贞。悔亡。
						初九：巩用黄牛之革。
						六二：巳日乃革之。征吉，无咎。
						九三：征凶。贞厉。革言三就。有孚。
						九四：悔亡。有孚。改命吉。
						九五：大人虎变。未占有孚。
						上六：君子豹变，小人革面。征凶。居贞吉。
50		鼎	dǐng		离上 巽下	鼎，元吉，亨。
						初六：鼎颠趾，利出否，得妾以其子。无咎。
						九二：鼎有实，我仇有疾，不我能即。吉。
						九三：鼎耳革，其行塞，雉膏不食。方雨，亏悔，终吉。
						九四：鼎折足，覆公餗，其形渥。凶。
						六五：鼎黄耳，金铉。利贞。
						上九：鼎玉铉。大吉，无不利。



一 周 易 本 意 --



顺序	卦 名			卦 象		卦 辞
	小篆	繁体	读音	符号	结构	爻辞
51		震	zhèn		震上 震下	震，亨。震来虩虩，笑言哑哑，震惊百里，不丧匕鬯。
						初九：震来虩虩，后笑言哑哑。吉。
						六二：震来厉，亿丧贝。跻于九陵，勿逐，七日得。
						六三：震苏苏。震行无眚。
						九四：震遂泥。
						六五：震往来厉，意无丧，有事。
						上六：震索索，视矍矍。征凶。震不于其躬，于其邻。无咎。婚媾有言。
52		艮	gèn		艮上 艮下	艮其背，不获其身，行其庭，不见其人。无咎。
						初六：艮其趾。无咎，利永贞。
						六二：艮其腓。不拯其随，其心不快。
						九三：艮其限，列其夤。厉。熏心。
						六四：艮其身。无咎。
						六五：艮其辅，言有序。悔亡。
						上九：敦艮，吉。



一 周易本意 --




顺序	卦 名			卦 象		卦 辞
	小篆	繁体	读音	符号	结构	爻辞
53		漸	jiàn		巽上 艮下	漸，女归吉。利贞。
						初六：鸿渐于干。小子厉，有言，无咎。
						六二：鸿渐于磐，饮食衎衎。吉。
						九三：鸿渐于陆，夫征不复，妇孕不育。凶。利御寇。
						六四：鸿渐于木，或得其桷。无咎。
						九五：鸿渐于陵。妇三岁不孕，终莫之胜。吉。
						上九：鸿渐于陆，其羽可用为仪。吉。
54		歸妹	guī mèi		震上 兑下	归妹，征凶，无攸利。
						初九：归妹以娣。跛能履。征吉。
						九二：眇能视。利幽人之贞。
						六三：归妹以须，反归以娣。
						九四：归妹愆期，迟归有时。
						六五：帝乙归妹，其君之袂，不如其娣之袂良。月几望，吉。
						上六：女承筐，无实，士刲羊，无血。无攸利。



一 周 易 本 意 --




顺序	卦 名			卦 象		卦 辞
	小篆	繁体	读音	符号	结构	爻辞
55		豐	fēng		震上 离下	丰，亨。王假之，勿忧。宜日中。
						初九：遇其配主。虽旬无咎。往有尚。
						六二：丰其蔀，日中见斗。往得疑疾。有孚发若， 吉。
						九三：丰其沛，日中见沫，折其右肱。无咎。
						九四：丰其蔀，日中见斗。遇其夷主。吉。
						六五：来章，有庆誉。吉。
						上六：丰其屋，蔀其家，闚其户，阒其无人，三岁不覿。凶。
56		旅	lǚ		离上 艮下	旅，小亨。旅贞吉。
						初六：旅琐琐，斯其所。取灾。
						六二：旅即次，怀其资，得童仆。贞。
						九三：旅焚其次，丧其童仆。贞厉。
						九四：旅于处，得其资斧。我心不快。
						六五：射雉，一矢亡。终以誉命。
						上九：鸟焚其巢，旅人先笑后号咷。丧牛于易。凶。



一 周易本意 --




顺序	卦 名			卦 象		卦 辞
	小篆	繁体	读音	符号	结构	爻辞
57		巽	xùn		巽上下 巽	巽，小亨。利有攸往。利见大人。
						初六：进退。利武人之贞。
						九二：巽在床下。用史巫纷若，吉，无咎。
						九三：频巽。吝。
						六四：悔亡。田获三品。
						九五：贞吉，悔亡，无不利。无初有终。先庚三日，后庚三日，吉。
						上九：巽在床下。丧其资斧。贞凶。
58		兑	duì		兑上下 兑	兑，亨，利贞。
						初九：和兑。吉。
						九二：孚兑。吉，悔亡。
						六三：来兑。凶。
						九四：商兑未宁，介疾有喜。
						九五：孚于剥。有厉。
						上六：引兑。



— 周易本意 —



顺序	卦 名			卦 象		卦 辞
	小篆	繁体	读音	符号	结构	爻辞
59		涣	huàn		巽上 坎下	涣，亨。王假有庙。利涉大川。利贞。
						初六：用拯马壮，吉。
						九二：涣奔其机。悔亡。
						六三：涣其躬。无悔。
						六四：涣其群。元吉。涣有丘，匪夷所思。
						九五：涣汗其大号，涣王居。无咎。
						上九：涣其血，去逖出。无咎。
60		節	jié		坎上 兑下	节，亨。苦节，不可贞。
						初九：不出户庭。无咎。
						九二：不出门庭。凶。
						六三：不节若，则嗟若。无咎。
						六四：安节。亨。
						九五：甘节。吉，往有尚。
						上六：苦节，贞凶。悔亡。



一 周易本意 --



顺序	卦 名			卦 象		卦 辞
	小篆	繁体	读音	符号	结构	爻辞
61		中孚	zhōng fú		巽上 兑下	中孚，豚鱼，吉。利涉大川。利贞。
						初九：虞吉。有它，不燕。
						九二：鸣鹤在阴，其子和之，我有好爵，吾与尔靡之。
						六三：得敌，或鼓或罢，或泣或歌。
						六四：月几望，马匹亡。无咎。
						九五：有孚挛如，无咎。
						上九：翰音登于天。贞凶。
62		小過	xiǎo guò		震上 艮下	小过，亨，利贞。可小事，不可大事。飞鸟遗之音。不宜上，宜下。大吉。
						初六：飞鸟以凶。
						六二：过其祖，遇其妣，不及其君，遇其臣。无咎。
						九三：弗过防之，从或戕之。凶。
						九四：无咎。弗过遇之。往厉必戒。勿用永贞。
						六五：密云不雨，自我西郊。公弋，取彼在穴。
						上六：弗遇过之，飞鸟离之。凶，是谓灾眚。



一 周易本意 --



顺序	卦 名			卦 象		卦 辞
	小篆	繁体	读音	符号	结构	爻辞
63		既濟	jì jì		坎上 离下	既济，亨，小利贞。初吉终乱。
						初九：曳其轮，濡其尾。无咎。
						六二：妇丧其茀，勿逐，七日得。
						九三：高宗伐鬼方，三年克之。小人勿用。
						六四：系需有衣袽，终日戒。
						九五：东邻杀牛，不如西邻之禴祭，实受其福。
						上六：濡其首。厉。
64		未濟	wèi jì		离上 坎下	未济，亨。小狐汔济，濡其尾。无攸利。
						初六：濡其尾。吝。
						九二：曳其轮。贞吉。
						六三：未济。征凶。利涉大川。
						九四：贞吉，悔亡。震用伐鬼方，三年，有赏于大国。
						六五：贞吉，无悔。君子之光，有孚，吉。
						上九：有孚。于饮酒，无咎。濡其首。有孚。失是。